

*Andante molto*

Se tu vens cas.su tas cre.tis là che lor mi han so.te.  
rât, al e'un splaz pler di ste.lu - tis dal miò sanc' l'è stât ba.  
gnât. Par se - gnâl, u - ne cro - see te jo scot.  
-pe de li tal cret... fra chês ste.lis nas l'er.bute sot di  
*più lento*  
lor jo duar eu. iêt fra chês ste. - lis nas l'er.  
bu . te sot : di lor jo duar eu . jet .....



## Stelutis Alpinis

Se tu vens cassù tás cretis  
là che lôr mi àn soterât,  
a l'è un splas plen di stelutis:  
dal mio sanc l'è stât bagnât.

Par segnal, une crosute  
je scolpide lì tal cret:  
fra chês stelis nas l'erbuta, } 2 volte  
sot di lôr jo duâr cuièt.

Ciòl su, ciòl une stelute  
je a' ricuarde il nostri ben.  
Tu i dorâs 'ne bussadute  
e po plâtile tal sen.

Quand che a ciase tu sès sole  
e di cûr tu prèis par mè,  
il mio spirt atôr ti svolè; } 2 volte  
jo e la stele sin cun te.

Ma une di, quan che la uère  
a' sarà un lontan ricuârt,  
nel to cûr dulà che a' jère  
stele e amôr, dut sarà muârt.

Resterà par me che stele  
che il miò sanc al a' nudrit,  
par che lusi simpri biele } 2 volte  
su l'Italie, a l'infinit.

*Versi e musica di A. Zardini - Con autorizzazione  
della ditta Camillo Montico - Udine.*